



Inuussutissarsiornermut, Suliffeqarnermut Niuernermullu Naalakkersuisoqarfik aamma Nunanut Allanut Pisortaqarfik

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaata allanngortinnissaa pillugu Inatsisartut inatsisissaatut siunnersuut pillugu tusarniaanermut Kommuneqarfik Sermersuup akissutaa.

Kommuneqarfik Sermersuumi, Isumaginninnermut Suliffeqarnermut Inuussutissarsiornermullu Ingerlatsiviup, *Sumiiffinni nunami aalajangersimasuni takornariartitsinermut akuersissuteqartarnissaq pillugu inatsisartut inatsisaat* pillugu allanngortitsinissamut siunnersuut pillugu tusarniaassutit kingusinnerpaamik 20. januaarimut 2015 killilerneqarsimasut, tiguai suliaralugillu, tusarniaanermullu tunniussaqaarnissamut periarfissinneqarsimanini qujassutigalugu.

Sumiiffinni nunami aalajangersimasuni takornariartitsinermut akuersissuteqartarnissaq pillugu inatsisartut inatsisaat pillugu allanngortitsinissamut siunnersuummi Sukisaarsaatigalugu aalisartunik aalisartitsinermut akuersissuteqartarneq pillugu Inatsisartut inatsisaat nr. 20, 22. november 2011-meersoq atorunnaarsinneqassaaq, aammalu sukisaarsaatigalugu aalisartitsinermik akuersissuteqartarnermut inatsit, takornariartitsinermut akuersissuteqartarnissaq pillugu inatsimmut ilanngunneqassalluni. Takornariartitsinermut akuersissuteqartarnerit tamarmik assigiinnik naleqqussakkanik inatsimmi ataatsimoortinneqarnissaat kommuneqarfiup taparserpaa, taamaattorli sukisaarsaatigalugu aalisartunik aalisartitsinermut akuersissuteqartarneq pillugu inatsimmi pingaaruteqartut arlallit inatsimmi ataatsimoortillugit siunnersuummi ajoraluartumik mininneqarsimasut nalilerpai.

Mininneqarsimasut pingaarnerpaatut isigineqartut tassaapput:

Kikkut akuersissuteqarnermut periarfissaqarnerisut suullu piumasaqaataanersut pillugit nassuiaat. Aliikkutaralugu aalisartut aalisakkallu pisarineqarsimasut amerlassusaat naatsorsorneqartussaataitanerat.

Aalisarnissamut akuersissummik atulersitsisoqartarnissaanik piumasaqaat.

Kuuit akuersissutigineqartut toqqarneqarnerannut nassuiaat, tassunga ilanngullugu piujuartitsilluni aalisarnermik naliliineq immikkoortortamilu allagartalersuinerit.

Nunatta karsianut akileraarummik akiliisitsiniarnissamik piginnaasitsineq, naak inatsimmi aningaasartavii aalajangersarneqanngikkaluartut.

Sukisaarsaatigalugu aalisartunik aalisartitsinermut akuersissuteqartarneq pillugu Inatsisartut inatsisaanni piumasaqaatit pingaarnerpaat, takornariartitsinermut akuersissuteqartarnissaq pillugu inatsimmut ataatsimoortinneqarsimasumi ilanngunneqartariaqartut, eqalunniarnermulluunniit akiliisitsilluni aalisarnermut immikkut nalunaarusiami katersorneqartariaqartut nalilerneqarpoq.

Tusarniaanermut akissut allaffissornikkut suliarineqarpoq, tassungalu atatillugu, politikikkut tusarniaassutip oqaluuserineqarnissaa periarfissaasimanngimmat, kingorna politikikkut oqaluuserineqarnissaa sillimaffigineqassaaq.

Inuulluaqqusillunga // Med venlig hilsen //Best Regards

Grethe Nielsen

Isumaginninnermut, Suliffeqarnermut Inuussutissarsiornermullu pisortaq